

Newspaper	UTUSAN MALAYSIA
Date	14 FEB 2015



**NAJIB TUN RAZAK** ketika hadir bersama ribuan masyarakat dari seluruh negara bagi menziarahi jenazah Allahyarham Nik Abdul Aziz Nik Mat di Masjid Tok Guru, Pulau Melaka, semalam. - BERNAMA

## Negara kehilangan pemimpin, ilmuwan Islam - Najib um-14/2/2015

**KUALA LUMPUR 13 Feb.** - Datuk Seri Najib Tun Razak berkata, negara kehilangan seorang pemimpin dan ilmuwan Islam yang banyak berjasa dengan pemergian ke rahmatullah Mursyidul Am Pas, Datuk Nik Abdul Aziz Nik Mat.

Perdana Menteri memberitahu, walaupun beliau dan Allahyarham berbeza pendapat dan pandangan, mereka berkongsi impian untuk mengekalkan Malaysia sebagai sebuah negara Islam yang aman dan makmur.

"Saya amat sedih mendengar berita kepulungan Tok Guru Nik Aziz ke rahmatullah.

"Saya doakan semoga roh Allahyarham dikurniakan *husnul khotimah* (kesudahan yang baik) dan ditempatkan bersama para syuhada di syurga al-Jannah. Al-Fatihah," katanya dalam kenyataan melalui laman Facebook beliau malam tadi.

Bekas Menteri Besar Kelantan itu meninggal dunia di rumahnya di Pulau Melaka, Kota Bharu, Kelantan



**Saya amat sedih mendengar berita kepulungan Tok Guru Nik Aziz ke rahmatullah. Saya doakan semoga roh Allahyarham dikurniakan *husnul khotimah* (kesudahan yang baik) dan ditempatkan bersama para syuhada di syurga al-Jannah. Al-Fatihah."**

**NAJIB TUN RAZAK**

kira-kira pukul 9.40 malam tadi.

Allahyarham disahkan menghidap kanser prostat tahap empat se-

jak beberapa tahun lalu dan dirawat di Unit Rawatan Rapi (ICU) Hospital Universiti Sains Malaysia Kubang Kerian sejak 20 Januari lalu.

Sementara itu, di KUCHING, Timbalan Perdana Menteri, Tan Sri Muhyiddin Yassin turut bersedih dengan pemergian Nik Abdul Aziz yang dianggap beliau sebagai seorang tokoh politik yang bijaksana.

Menurut beliau, banyak pihak menyanjung kesederhanaan Allahyarham bukan sahaja sebagai tokoh politik tetapi juga tokoh agama yang telah banyak berjasa.

"Kita ketepikan soal politik dan atas dasar kemanusiaan, atas dasar persaudaraan Islam, pemergian Allahyarham adalah satu kehilangan bagi kita," ujarnya.

Muhyiddin turut mendoakan semoga roh Allahyarham ditempatkan dalam kalangan para syuhada dan orang-orang beriman serta berharap keluarga Nik Abdul Aziz sentiasa tabah menghadapi ujian Allah SWT.